

Incepta Antiphona, Pontifex mitram accipit, et dum Antiphona, et Psalmus prædicti dicuntur, circuit totum cœmeterium incipiens ad ejus dexteram, aspergens semper, et ubique, aquam benedictam cum aspersorio, et potissimè in loco, ubi pollutio, vel violatio commissa est. Quo peracto, redit ad locum, ubi Litanie dictæ fuerunt. Finito Psalmo prædicto, et cœmeterio undique asperso, Pontifex stans ante faldistorium suum, deposita mitra, dicit : Orémus.

Et ministri : Flectámus génuá. *ñ.* Leváte.

DOMINE pie, qui agrum figuli prætio sanguínis tui in sepultúram peregrinórum comparári voluisti; quæsumus, dignánte reminscere clementissimi hujus mysterií tui; tu es enim, Dómine, figulus noster, tu quiétis nostræ ager; tu agri hujus es prætium; tu dedisti étiam et suscepisti; tu de prætio, et in prætio tui vivifici sanguínis nos requiescere donásti. Tu ergo, Dómine, qui es offensionis nostræ clementissimus indúltor, expectantissimus judicátor, judicii tui superabundantissimus miserátor, judicium tuæ justæ severitátis abscondens post miseratióem tuæ piæ redemptionis, adésto exauditor et efféctor nostræ reconciliatióis; hocque cœmeterium, mausoléum peregrinórum tuórum, cœlestis patriæ incolátum expectántium, benignus purifica, et reconcilia; et hic tumulatórum et tumulandórum córpora de poténtia et pietáte tuæ resurrectionis ad glóriam incorruptionis non damnans, sed glorificans resúscita. Qui ventúrus es judicáre vivos, et mórtuos, et sæculum per ignem. *ñ.* Amen.

His dictis, Pontifex stans in loco prædicto, dat benedictionem solemnem populo, dicens :
Sit nomen Dómini benedictum, etc.

Tum redit ad sacristiam, aut alium locum, in quo paramenta accepit, ubi depositis sacris vestibus, vadit in pace.

DE PATENÆ, ET CALICIS CONSECRATIONE.

PONTIFEX ad consecrationem Calicis, vel cujuslibet indumenti, seu ornamenti ecclesiastici procedere volens, debet semper stolam circa collum habere, et mitram tenere poterit ubi convenit. Quodcumque enim Episcopalia agit, episcopalibus, non sacerdotibus, debet esse paramentis ornatus. Omnium quoque mobilium Benedictiones hujusmodi possunt fieri, ubi Pontifici placuerit, et omni die.

In Patenæ igitur consecratione, pro qua parandum est sanctum Chrisma, et vas aquæ benedictæ cum aspersorio, Pontifex stans cum mitra, dicit :

ñ. Adjutórium nostrum in nómine Dómini.

ñ. Qui fecit cœlum, et terram.

OREMUS, fratres charíssimi, ut divinæ grátie benedictio consécret, et sanctificet hanc Paténam, ad confringéndum in ea corpus Dómini nostri Jesu Christi, qui crucis passióem sustinuit pro nostrum ómnium salúte.

Tum, deposita mitra, dicit:

ñ. Dóminus vobiscum.

ñ. Et cum spiritu tuo.

OREMUS.

OMNIPOTENS sempitérne Deus, qui legálium institútor es hostiárum, quique inter eas conspérsam similáginem desérri in Paténis áureis et argéteis ad altáre tuum jussisti, bene ✠ dicere, sancti ✠ ficáre, et conse ✠ cráre dignéris hanc Paténam, in administratióem Eucharistiæ Jesu Christi Filii tui, qui pro nostra omniúmque salúte seípsum tibi Deo Patri in patíbulo crucis elégit immolári,

ac tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Tum Pontifex, accepta mitra, facit cum pollice dexteræ manus Chrismate intincto crucem super Patenam, ab ora in oram, et mox linit, et perungit totam ejus superficiem cum ipso pollice, dicens :

CONSECRARE, et sanctificare digneris, Domine Deus, Patenam hanc per istam unctionem, et nostram benedictionem in Christo Jesu Domino nostro, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Deinde stans adhuc cum mitra procedit ad benedictionem Calicis, dicens :



OREMUS, fratres charissimi, ut Deus, et Dominus noster Calicem istum in usum ministerii sui consecrandum cœlestis gratiæ inspiratione sanctificet, et ad humanam consecrationem plenitudinem divini favoris accommodet. Per Christum Dominum nostrum. *R.* Amen.

Tum, deposita mitra, dicit :

V. Dominus vobiscum.

R. Et cum spiritu tuo.

OREMUS.

DIGNARE, Domine Deus noster, Calicem hunc bene dicere, in usum ministerii tui pia famulatus devotione formatum, et ea sanctificatione perfundere, qua Melchisedech famuli tui sacratum Calicem perfudisti, et quod arte vel metalli natura effici non potest altaribus tuis dignum, fiat tua benedictione sanctificatum. Per Christum Dominum nostrum. *R.* Amen.

Deinde, accepta mitra, facit crucem cum pollice dexteræ manus de Chrismate intra ipsum Calicem a labio ejus in labium, et mox linit, et perungit interius ipsum totum, dicens :

CONSECRARE, et sanctificare digneris, Domine Deus, Calicem hunc per istam unctionem, et nostram benedictionem in Christo Jesu Domino nostro, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Tum, deposita mitra, dicit super Calicem, et Patenam :

V. Dominus vobiscum.

R. Et cum spiritu tuo.

OREMUS.

OMNIPOTENS sempiternæ Deus, manibus nostris, quaesumus, opem tuæ benedictionis infunde, ut per nostram benedictionem hoc vasculum et Patena sanctificentur, et Corporis et Sanguinis Domini nostri Jesu Christi novum sepulchrum sancti Spiritus gratia efficiantur. Per eundem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *R.* Amen.

Demum aspergit Calicem et Patenam cum aqua benedicta, quod fieri debet in omnibus quarumlibet benedictionibus rerum. Quo facto, abstergi facit per aliquem Sacerdotem Patenam, et Calicem cum mica panis, et bene mundari; deinde extersiones projiciuntur in ignem, vel sacrarium.

DE BENEDICTIONE SACERDOTALIUM

INDUMENTORUM IN GENERE.



PONTIFEX sacerdotalia indumenta benedicere volens, stans sine mitra, dicit:

Ÿ. Adjutorium nostrum in nomine Domini.

Ŕ. Qui fecit cœlum, et terram.

Ÿ. Dominus vobiscum.

Ŕ. Et cum spiritu tuo.

OREMUS.

OMNIPOTENS sempiternè Deus, qui per Moysen famulum tuum, pontificalia et sacerdotalia, seu levitica vestimenta ad explendum in conspectu tuo ministerium eorum, ad honorem et decorem nominis tui fieri decrevisi; adesto propitius invocationibus nostris, et hæc indumenta sacerdotalia, desuper irrigante gratia tua, ingenti benedictione per nostræ humilitatis servitium puri ✠ ficare, bene ✠ dicere, et conse ✠ crare digneris, ut divinis cultibus et sacris mysteriis apta et benedicta existant; his quoque sacris vestibus Pontifices et Sacerdotes seu Levitæ tui induti, ab omnibus impulsionebus seu tentationibus malignorum spirituum muniti et defensi esse mereantur, tuisque mysteriis apte et condigne servire et inhærere, atque in his tibi placide et devôte perseverare tribue. Per Christum Dominum nostrum. Ŕ. Amen.

Alia Oratio. OREMUS.

DEUS invictæ virtutis triumphator, et omnium rerum creator ac sanctificator, intende preces nostras, et hæc indumenta leviticæ, sacerdotalis, et pontificalis gloriæ ministris tuis fruenda tuo ore proprio benedice ✠ dicere, sancti ✠ ficare, et conse ✠ crare digneris, omnésque eis utentes tuis mysteriis aptos, et tibi in eis devôte et laudabiliter servièntes, gratos efficere digneris. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. Ŕ. Amen.

Deinde aspergit ipsa indumenta aqua benedicta.

SPECIALIS BENEDICTIO CUJUSLIBET INDUMENTI.

Ÿ. Adjutorium nostrum in nomine Domini.
 R. Qui fecit cœlum et terram.
 Ÿ. Dominus vobiscum.
 R. Et cum spiritu tuo.

OREMUS.

DEUS omnipotens, bonarum virtutum dator, et omnium benedictionum largus infusor, supplices te rogamus, ut manibus nostris operam tuam benedictionis infundas, et has caligas, et sandalia, vel amictum, vel albam, vel cingulum, vel stolam, vel manipulum, vel tunicellam, vel dalmaticam, vel planctam, divino cultui preparatam, virtute sancti Spiritus bene ✠ dicere, sancti ✠ ficare, et conse ✠ crare digneris, et omnibus ea, vel eo, vel eis utentibus gratiam sanctificationis sacri mysterii tui benignus concede; ut in conspectu tuo sancti et immaculati atque irreprehensibiles appareant, et auxilium misericordiam tuam acquirant. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia secula seculorum. R. Amen.

Deinde aspergit ea aqua benedicta.

DE BENEDICTIOE MAPPARUM,

SEU LINTEAMINUM SACRI ALTARIS.

PONTIFEX mappas seu linteamina sacri altaris benedicturus, stans sine mitra, dicit:
 Ÿ. Adjutorium nostrum in nomine Domini.
 R. Qui fecit cœlum et terram.

Ÿ. Dominus vobiscum.
 R. Et cum spiritu tuo.

OREMUS.

EXAUDI, Domine, preces nostras, et hæc linteamina sacri altaris usui preparata bene ✠ dicere, et sancti ✠ ficare digneris. Per Christum Dominum nostrum. R. Amen.

OREMUS.

DOMINE Deus omnipotens, qui ornamenta et linteamina facere Moysen famulum tuum per quadraginta dies docuisti, quæ etiam Maria texuit, et fecit in usum ministerii tabernaculi foederis, bene ✠ dicere, sancti ✠ ficare, et conse ✠ crare digneris hæc linteamina ad tegendum involvendumque altare gloriosissimi Filii tui Domini nostri Jesu Christi, qui tecum vivit et regnat in unitate Spiritus sancti Deus, per omnia secula seculorum. R. Amen.

Deinde aspergit ea aqua benedicta.

DE BENEDICTIOE CORPORALIUM.

PONTIFEX corporalia benedicere volens, stans sine mitra, dicit:
 Ÿ. Adjutorium nostrum in nomine Domini.
 R. Qui fecit cœlum et terram.
 Ÿ. Dominus vobiscum.
 R. Et cum spiritu tuo.

OREMUS.

CLEMENTISSIME Dómine, cujus inenarrábilis est virtus, cujus mystéria arcánis mirabilibus celebrántur, tribue quæsumus, ut hoc linteámen tuæ propitiatiónis bene ✠ dictione sanctificétur, ad consecrándum super illud Corpus et Sánguinem Dei et Dómini nostri Jesu Christi Filii tui, qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

Alia Oratio. OREMUS.

OMNIPOTENS sempitérne Deus, bene ✠ dicere, sanctificáre, et conse ✠ cráre dignéris linteámen istud ad tegéndum involvendúmque Corpus et Sánguinem Dómini nostri Jesu Christi Filii tui, qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

Alia Oratio. OREMUS.

OMNIPOTENS Deus, mánibus nostris opem tuæ benedictiόνis infúnde, ut per nostram bene ✠ dictionem hoc linteámen sanctificétur, et Córporis ac Sánguinis Redemptóris nostri, novum sudárium, Spíritus sancti grátia efficiátur. Per eúmdem Dóminum nostrum Jesum Christum Filium tuum, qui tecum vivit et regnat in unitáte ejúsdem Spíritus sancti Deus, per ómnia sæcula sæculórum. *R.* Amen.

Deinde aspergit ea aqua benedicta.

DE BENEDICTIONE NOVÆ CRUCIS.



NOVA CRUX, seu tabula in qua Crucifixus est depictus, hoc modo benedicitur. Paratis thure, thuribuloque cum igne, et aqua benedicta, Pontifex paratus supra rochetum, amictu, stola, pluviali rubri coloris, et mitra simplici, stans sine mitra, dicit :

Y. Adjutórium nostrum in nómine Dómini.

R. Qui fecit cœlum, et terram.

Y. Dóminus vobiscum.

R. Et cum spiritu tuo.

OREMUS.

BENE ✠ DIC, Dómine Jesu Christe, hanc Crucem tuam, per quam eripuísti mundum a potestáte dæmonum, et superásti Passiõe tua suggestórem peccáti, qui

gaudébat in prævaricatione primi hominis per ligni vétiti sumptionem. Qui cum Deo Patre, et Spíritu sancto vivis et regnas in sæcula sæculórum. *R.* Amen.

Alia Oratio. OREMUS.

ROGAMUS te, Dómine sancte, Pater omnipotens, sempitérne Deus, ut dignéris bene ✠ dicere hoc lignum Crucis tuæ, ut sit remédium salutáre géneri humano; sit soliditas fidei; profectus bonórum óperum, redemptio animárum; sit solámen et protectio ac tutela contra sæva jácula inimicórum. Per Dóminum nostrum Jesum Christum Filium tuum, qui tecum vivit, et regnat in unitate Spíritus sancti Deus,

Deinde dicit voce mediocri, extensis manibus ante pectus, Præfationem.

Per ómnia sæcula sæculórum. *R.* Amen.

Y. Dóminus vobiscum.

R. Et cum spíritu tuo.

Y. Sursum corda.

R. Habémus ad Dóminum.

Y. Grátias agámus Dómino Deo nostro.

R. Dignum, et justum est.

Vere dignum, et justum est, æquum, et salutáre, nos tibi semper, et ubique grátias ágere, Dómine sancte, Pater omnipotens, ætérne Deus, cujus sanctum ac terribile nomen inter céteras visibiles creatúras, ligna quoque fructífera laudáre ac benedicere non cessant: Qui in figúram unigénitæ sapiéntiæ tuæ, ligno vitæ a principio paradísum voluptátis ornásti, ut ejúsdem fructus sacro mystério protoparéntes nostri géneris mortem cavére, et vitam admonéres obtinére perpétuam: quique nos vétitæ árboris attáctu justæ morti addictos, ejúsdem coætérnæ tibi sapiéntiæ Dei et Dómini nostri Jesu Christi innóxia morte ad vitam misericórditer revocáre dignátus es: te súpplices exorámus, ut hoc

singuláre signum, quod ad exéplum primi illius sacratíssimi vexilli, quo pretiósio Filii tui Sanguine triumphásti, fidélium tuórum devotióne compáctum erectúmque est, cœlésti tua bene ✠ dictione sanctificáre dignéris; ut ómnibus hic génuá flecténtibus, ac tuæ majestáti supplicántibus, largior et cordis compúnctio, et admissórum indulgéntia concedátur; atque intercedente ipsa victoriosíssima unigéniti Filii tui Passióne, et tibi plácita postuláre, et citius váleant postuláta percipere. Da quæsumus, clementíssime Pater, in quo vivimus, movémur, et sumus, ut quoties triúmphum divínæ humilitátis, quæ supérbiam nostri hostis dejécit, óculis intuémur, quotiesque mente recólimus, et contra hostem ipsum fidúciam fortitúdinis, et majórem tibi devótæ humilitátis grátiam consequámur. Quátenus in illo treméndo tuæ majestátis exámine, cum pavéntibus eleméntis, cœlorúmque commótis virtútibus, signum istud gloriósum Redemptiónis nostræ apparúerit in cœlo, ipsi de morte ad vitam transire, ac perpétua beátæ resurrectionis vidére gáudia mereámur.

Quod sequitur dicit submissa voce legendo, ita tamen quod a circumstantibus audiri possit.

Per eúndem Dóminum nostrum Jesum Christum Filium tuum, qui tecum vivit et regnat in unitate Spíritus sancti Deus, per ómnia sæcula sæculórum. *R.* Amen.

OREMUS.

DEUS, qui beátæ Crucis patibulum, quod prius erat sceléstis ad pœnam, convertisti redemptis ad vitam; concede plebi tuæ ejus vallári præsidio, cujus est armáta vexillo. Sit ei Crux fidei fundaméntum, spei suffrágium, in advérsis defénsio, in prósperis adjuvámen; sit ei in hostes victória, in civitáte custódia, in campis protectio, in domo fultúra; ut per eam pastor in futúro gregem consérvet incólumem, quæ nobis, Agno ✠ vincénte,

conversa est in salutem. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia secula seculorum. *R.* Amen.

Alia Oratio. OREMUS.

SANCTI ✠ FICA, Domine Jesu Christe, signaculum istud Passionis tuæ, ut sit inimicis tuis obstaculum, et credentibus in te perpetuum efficiatur victoriæ vexillum. Qui cum Deo Patre vivis, et regnas in unitate Spiritus sancti Deus, per omnia secula seculorum. *R.* Amen.

Tum offertur Pontifici thus in navicula, aut alio vase, quod Pontifex stans sine mitra benedicit dicens :


OREMUS.

DOMINE Deus omnipotens, cui assistit exercitus Angelorum cum tremore, quorum servitium spirituale et igneum esse cognoscitur, dignare respicere, bene ✠ dicere, et sancti ✠ ficare hanc creaturam incensi; ut omnes languores, omnesque infirmitates atque insidiæ inimici odorem ejus sentientes effugiant, et separentur a plasmate tuo; ut numquam lædatur a morsu antiqui serpentis, quod pretioso Filii tui Sanguine redemisti. Per eundem Christum Dominum nostrum. *R.* Amen.

Quo facto, Pontifex imponit thus in thuribulum. Deinde aspergit crucem aqua benedicta, et mox eam incensat. Tum dicit adhuc stans sine mitra :

SANCTIFICETUR lignum istud, In nomine Pa ✠ tris, et S ✠ Fi ✠ li, et Spiritus ✠ sancti : et benedictio illius ligni, in quo membra sancta Salvatoris suspensa sunt, sit in isto ligno; ut orantes, inclinantesque se propter Deum ante istam crucem, inveniant corporis et animæ sanitatem. Per eundem Dominum nostrum Jesum Christum. *R.* Amen.

Tum Pontifex, flexis ante crucem genibus, ipsam devote adorat, et osculatur. Idem faciunt quicumque alii voluerint. Si vero crux est ex metallo, vel lapide, loco præcedentis orationis, videlicet, Sanctificetur, etc. Pontifex stans sine mitra, dicit sequentem Orationem :



DEUS gloriæ, Deus excelsæ Sabaoth, fortissime Emmanuel, Deus Pater veritatis, pater sapientiæ, pater beatitudinis, pater illuminationis ac vigiliationis nostræ, qui mundum regis, qui cuncta regna disponis, qui es bonorum collator munerum, et bonorum omnium attributor; cui omnes gentes, populi, tribus, et linguæ serviunt; cui assistit omnis Angelorum légio; qui largis famulis tuis fidem et laudem tui nominis, ut debita tibi oblata persolvant; cui prius fides offerentium complacet, deinde sacrificatur oblatio, quæsumus exorabilem misericordiæ tuæ pietatem, ut sancti ✠ fices tibi hoc signum crucis et conse ✠ cres, quod tota mentis devotiõe famulorum tuorum religiõsa fides construxit, trophæum scilicet victoriæ tuæ ac redemptionis nostræ,

quod in amorem Christi triumphalis gloria consecravit. Aspice hoc signum crucis insuperabile, per quod diaboli est exinanita potestas, mortalium restituta libertas : quæ licet fuerit aliquando in pœnam, sed nunc versa est in honorem per gratiam; et quæ reos quondam puniebat supplicio, nunc et noxios absolvit a debito. Et tibi quid per hoc placere potuit, nisi id per quod tibi placuit nos redimere? Et nullum tibi debitum amplius munus est, quam quod tibi tunc corporis dedicavit affixio; nec tibi est magis familiaris oblatio, quam quæ familiari manuum tuarum extensione sacrata est. Illis ergo manibus hanc crucem accipe, quibus illam amplexus es; et de sanctitate illius hanc sancti ✠ fice; et sicuti per illam mundus expiatus est a reatu, ita offerentium famulorum tuorum animæ devotissimæ hujus crucis merito, omni careant perpetrato peccato; et tuæ veræ crucis obtectu, enitescant successibus assiduis triumphatores. Radiet hic unigeniti Filii tui Domini nostri splendor divinitatis in auro; emicet gloria passionis ejus in ligno; in cruce rutillet nostræ mortis redemptio; in crystalli splendore vitæ nostræ purificatio. Sit suorum protectio; spei certa fiducia, eos simul cum gente et plebe, fide confirmet; spe et pace consociet; augeat triumphis; amplifiet in secundis; proficiat eis ad perpetuitatem temporis, ad vitam æternitatis; ut eos temporali florentes gloria muniat, et ad perpetuam redemptos coronam, ad regna cœlestia potenti virtute perducat. Præsta, per propitiationem Sanguinis ejus, per ipsum datorem, qui seipsum dedit redemptionem pro multis, qui se hostiam pro delictis offerre dignatus est, qui exaltatus in ligno crucis suæ, principatus et potestates humiliavit, qui tecum sidereo considet throno, indissolubili connexionione Spiritus sancti, per infinita sæculorum sæcula. *ñ.* Amen.

Tum Pontifex, flexis ante crucem genibus, eam devote adorat, et osculatur; idem faciunt quicumque alii voluerint.

DE BENEDICTIONE CRUCIS PECTORALIS.

Ad benedicendam Crucem pectoralem, Pontifex potest uti forma assignata pro Benedictione Crucis proficiscentium in subsidium Terræ sanctæ, ut infra. 264.

DE BENEDICTIONE IMAGINIS

B. MARIE VIRGINIS.

PONTIFEX benedicturus Imaginem beatæ Mariæ Virginis, paratus supra rochetum, amictu, stola, pluviali albi coloris, et mitra simplici, stans sine mitra, dicit :

- ŷ.* Adjutorium nostrum in nomine Domini.
- ñ.* Qui fecit cœlum, et terram.
- ŷ.* Dominus vobiscum.
- ñ.* Et cum spiritu tuo.

OREMUS.

DEUS, qui de beatæ Mariæ Virginis útero Verbum tuum, Angelo nuntiante, carnem suscipere voluisti; præsta supplicibus tuis, ut qui vere eam Genitricem Dei credimus, ejus apud te intercessionibus adjuvemur. Per eumdem Christum Dominum nostrum. *ñ.* Amen.

Quo facto, aspergit figuram aqua benedicta. Deinde inchoat, schola prosequente, Antiphonam. Sub tuum præsidium.